

INUIT ATAQATIGIIT

INATSISARTUNI



Nuuk, 17 maj 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Naaja H. Nathanielsen, Inuit Ataqatigiit)

Apeqqutit:

1.

UPA 2012-imi taamani Naalakkersuisuusut peqquneqarput umiarsuit Kalaallit Nunaata imartaata 3-sømiilinut killeqarfiaita iluani aniatitamik ikuallassaammik (svovl) ima akoqassusianik killiliisumik malittarisassaqarnerisa pitsaaqutaannik pitsaanngequtaannillu nassuaateqaqqullugit (UKA2012/59). Nassuaatip taassuma inaarsarnissaa Naalakkersuisut suliarilersarpaat? Taamaappallu qaqugu tamanut saqqummiunnissaa ilimagineqarpa?

2.

Uuliamik kinertumik ikummatitut atuineq pillugu Naalakkersuisut avatangiisinut tunngasutigut piumasaqaatinik saqqummiussaqalersaarpat?

3.

Imaani avatangiisit pillugit Inatsisartut peqqussutaat allanngortinniarlugu suli pilersaartoqarpa, soorlu Naalakkersuisut siulii taama pilersaaruteqartut?

4.

Nalunaarusiamut 2012-ip naanerani atorunnaartumut taarsiullugu, gassit silaannarmut aniatitat silaannaap kissakkiartorneranut pissutaasut pillugit nutaamik nalunaarusiortoqassava?

Tunngavilersuut:

Nunarsuaq tamaat ataatsimut isigalugu immakkut angallanneq CO2-mik svoldioxidimillu aniatitsinermut anertuumik peqqutaavoq. Sumiiffinni arlaqartuni immakkut angalannermit mingutsitsineq killilerniarlugu inatsisiliornikkut alloriartoqarnikuuvvoq. Assersuutigalugu ikummatissat kinertut (heavy fuel) Sikuiutsoq Kujallermi aamma Svalbardimi nunaminertani eqqisisimatitaasuni annerni pingasuni atornissaat inerteqqutaalernikuuvvoq.

Sumiiffinni allani umiarsuit ikuallassaammik (svovl) aniatitsínerat qitiutinneqarpoq. Naalagaaffiit Peqatigiit Imarsiornermut Kattuffiata (IMO) inassutigaa nunat tamarmik "Emission control Areas"-inik taasanik pilersitsissasut, tassaasut imartat umiarsuit ikuallassaammik qanoq annertutigisumik aniatitsisinnaanerat pillugu sakkortunerusunik piumasaqaateqarfiusut. USA-mi naatsorsorneqarsimavoq taama iliorneruo inuunerit 8.300-t annassinnaagai, tassami Amerikami illoqarfinni umiarsualiviit angallaviulluartut eqqaannittuni astmamik kræftimillu nappaateqalersarneq annertunerummat¹.

UPA 2012-imi Inatsisartut isumaqatigiillutik siunnersuutiga ilalerpaat, tassalu taamani Naalakkersuisuusut peqquneqassasut nalunaarusioqqullugit, taanna tunuliaqtaralugu pineqartut pillugit nutaamik inatsisiliornissaq allannguinissarluniinniit pisariaqartinnejarnersoq nalilerniassagatsigu.

¹ Ingeniøren, 22/12 2010